

ք. Երևան, Արշակունյաց 5.417 սենյակ

16.10.2019թ. ժամը 17:10

Համաձայն 23.09.2019թ-ին քաղաքացի Մարտին Սեյրանյանից «ՍԳԿԿ» ԻԿԿ-ում ստացված դիմում- բողոքի հետագա ընթացքը ապահովելու նպատակով, քաղաքացիներ Մարտին Սեյրանյանի և Շուշանիկ Եղիազարյանի սնանկության գործով կառավարիչ՝ Հենրիկ Մարտիկյանի գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման նպատակով, կառավարչի վարքագծի վերաբերյալ կարգապահական վարույթ հարուցելու և դիմումում արժաժեքավոր հանգամանքների վերաբերյալ պարզաբանումներ ստանալու համար՝ ս/թ-ի Հոկտեմբերի 16-ին, 16-00-ին՝ ք.Երևան, Արշակունյաց 5 հասցեում, հրավիրվել էր «ՍԳԿԿ» ԻԿԿ Կարգապահական հանձնաժողովի նիստը: «ՍԳԿԿ» ԻԿԿ Կարգապահական հանձնաժողովի նիստին.

ԾԱՆՈՒՑՎԱԾ ԷԻՆ՝

Հանձնաժողովի անդամ՝ Հարություն Գևորգյանը
Հանձնաժողովի անդամ՝ Արմենակ Աղամյանը
Հանձնաժողովի անդամ՝ Ռուբեն Խալաթյանը
Դիմումատու՝ քաղաքացի Մարտին Սեյրանյանը
Մարտին Սեյրանյանի և Շուշանիկ Եղիազարյանի սնանկության գործով կառավարիչ՝
Հենրիկ Մարտիկյանը

ՄԱՍՆԱԿՅԵՑԻՆ՝

Հանձնաժողովի Նախագահ՝ Տիգրան Հարությունյանը
Հանձնաժողովի անդամ՝ Հարություն Գևորգյանը
Հանձնաժողովի անդամ՝ Ռուբեն Խալաթյանը
Հանձնաժողովի անդամ՝ Արմենակ Աղամյանը
Դիմումատու՝ քաղաքացի Մարտին Սեյրանյանը
Մարտին Սեյրանյանի և Շուշանիկ Եղիազարյանի սնանկության գործով կառավարիչ՝
Հենրիկ Մարտիկյան

ՕՐԱԿԱՐԿՈՒՄ

1. 23.09.2019թ-ին քաղաքացի Մարտին Սեյրանյանից «ՍԳԿԿ» ԻԿԿ-ում ստացված դիմում-բողոքի հետագա ընթացքը ապահովելու նպատակով, քաղաքացիներ Մարտին Սեյրանյանի և Շուշանիկ Եղիազարյանի սնանկության գործով կառավարիչ՝ Հենրիկ Մարտիկյանի գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման, բողոքում նշված փաստական հանգամանքների քննության և սնանկության գործով կառավարչի վարքագծի վերաբերյալ, կարգապահական վարույթ հարուցելու հարցը:

ԼՍԵՑԻՆ՝

Մինչև օրակարգի հարցի քննարկման անցնելը հանձնաժողովի անդամ՝ Հ.Մարտիկյանը առաջարկության համար ձայն վերցրեց և ներկայացնելով այն փաստը, որ օրակարգում ընդգրկված է իր, որպես սնանկության գործով կառավարիչի՝ վարքագծերի վերաբերյալ հարց քննարկում, ինքը որպես հանձնաժողովի անդամ ինքնաբացարկ է հայտարարում առաջարկում է քվեարկությունը կազմարպել առանց իր ձայնի:

Նիստի մասնակից հանձնաժողովի անդամները քննարկեցին ինքնաբացարկը, ընդունեցին այն ճիշտ և նիստի վարման կանոնակարգին համապատասխան ու հարցը դրեցին քվեարկության.

ՔՎԵԱՐԿՈՒԹՅՈՒՆ՝

Կողմ - 4

Դեմ - 0

Չեղմայահ - 0

ԼՍԵՑԻՆ-Կարգապահական Հանձնաժողովի նախագահ Տիգրան Հարությունյանը բացեց նիստը և ստուգեց մասնակիցների ինքնությունը: Համաձայն կարգի դիմում բողոքը հակիրճ ներկայացնելու համար ձայն տվեց ներկա դիմումատու Մարտին Սեյրանյանին, ով ներկայացրեց նիստի մասնակիցների դիմում բողոքի էությունը՝ և գործի վերաբերյալ իր փաստաթղթերը: Մասնավորապես դիմումատուն նշեց որ ինքը հանդիսանալով պարտապան իր և իր կնոջ ընդհանուր համատեղ սեփականության պատկանող անշարժ գույքը որը ԱՎԴ-1/0001/04/16 սնանկության գործով դրված է վաճառքի կառավարչի կողմից 4-րդ աճուրդն է որ մեկնարկային գինը չի փոփոխվում, որի վերբերյալ բազմաթիվ անգամ տեղեկացվել է կառավարչին և պատասխան չի ստացվում և գինը չի իջեցվում, քանի որ եթե մեկնարկային գինը նվազեցվի, իր կարծիքով Տմն. դրամից ներքև հասնելու դեպքում ՀՀ օրենսդրությամբ բռնագանձում չի կարող տարածվել այդ գույքի վրա որպես իր և իր կնոջ վերջին կացարան:

Դիմումատուն նշեց որ իր և կառավարչի հարաբերությունները մինչ այս դեպքերը միշտ եղել են հարգալից և կոռեկտ, բայց վերջին ժամանակները կառավարիչը իրեն չի ընդունում, չի լսում ընդհուպ հեռախոսով հայտնում է, որ իրեն այլևս չզանգել և չգալ իր մատակարար: Այդ փոփոխությունների պատճառները ինքը չի հասկանում և դրա համար էլ գրել է այս դիմում բողոքը: Դիմումատուն հանձնաժողովին ներկայացրեց կառավարչին ուղղված գրության լուսապատճենը:

Հանձնաժողովի անդամները հարցեր ուղղեցին դիմումատույին և ստացան պատասխաններ:

Հանձնաժողովի նախագահին կանոնակարգի համաձայն իր դիրքորոշումը և բացատրություններ ներկայացնելու համար ձայնի իրավունք տվեց՝ քաղաքացիներ Մարտին Սեյրանյանի և Շուշանիկ Եղիազարյանի սնանկության գործով կառավարիչ՝ Հենրիկ Մարտիկյանին, ով ներկայացրեց հանձնաժողովին գրավոր բացատրություն և կից փաստաթղթեր, մասնավորապես կառավարիչը նշեց որ վերջին կացարանի դրամական շեմի վերաբերյալ չկա միասնական կարծիք որը դժվարացնում է այն պոսկոնկայում կիրառել, որի վերաբերյալ տարբեր գործերով կան դատական վեճեր որոնք դեռ չեն ավարտվել, որոնց ավարտվելով կհստակեցվի կիրառման մասը: Այդ նկատառումներով իր կողմից մեկնարկային գնի փոփոխություն չի կատարվել և աճուրդները կազմակերպվել են մույն մեկնարկային գներով: Այժմ որոշակի պարզաբանումներ ստանալուց հետո կազմակերպվել է աճուրդ վաճառք արդեն տաս տոկոս մեկնարկային գնի նվազմամբ:

Կառավարիչը ներկայացրեց համապատասխան ապացույցներ և նշեց որ իր կողմից պարտատիրոջ հետ միշտ հարաբերություններում պահվել է կոռեկտություն և իր գործառնությունները իրականացվել են օրենքներով սահմանված ընթացակարգերով և առանց կարգապահական խախտումների, իսկ դիմումատույի կողմից ներկայացված դիմումը պայմանավորված է այն հանգամանքով, որ նա խուսափում է կատարել իրենց կողմից տարբեր մարդկանց՝ պարտատերերի նկատմամբ ունեցած դրամական պարտավորությունները:

Հանձնաժողովի անդամ՝ Ա. Ադամյանը հարց ուղղեց կառավարչին առ այն, որ կառավարչի և պարտատիրոջ միջև եղել են արդյոք անձնական հանդիպումներ մինչև քննարկվող դեպքերը և կառավարիչը տրամադրել է արդյուք վարույթից նյութեր պարտատիրոջը այդ թվում նաև աճուրդների վերաբերյալ:

Հ. Մարտիկյանը պատասխանեց, որ իր կողմից միշտ էլ ցուցաբերվել է պատրաստակամություն մանրամասն քննարկել վարույթի ընթացքում առաջացած բոլոր խնդիրները և այդպիսի բազմաթիվ քննարկումներ և փաստաթղթերի տրամադրումներ իրականացվել են:

Հանձնաժողովի նախագահ՝ Տ. Հարությունյանը հայտնեց այն կարծիքը, որ կառավարչի կողմից կատարվել են «Սնանկության մասին» ՀՀ օրենքի 29-րդ, 56-րդ, 76-րդ, 80-րդ և 82-րդ հոդվածներով նախատեսված ընթացակարգերը և նրա գործողությունները միտված են պահանջների բավարարման համար անհրաժեշտ միջոցների կիրառմանը, իսկ պարտապան

հանդիսացող բողոքաբերի կողմից փորձեր է կատարվում, այդ թվում նաև դիմում-բողոքների ձևով ուղղորդել կառավարչի գործողությունները:

Հանձնաժողովի նախագահն խնդրեց անդամներին գնահատել ներկայացված փաստական հանգամանքները, որի շրջանակներում հանձնաժողովի անդամ՝ Ռ.Խալաթյանը հայտնեց այն կարծիքը, որ դիմում նշված փաստական հանգամանքները հիմնականում վերաբերվում են մի բանի որ կառավարիչը չի փոփոխել /չի իջեցրել/ հրապարակային սակարկությունների ընթացքում մեկնարկային գնային առաջարկը: Ընդհանրապես գույքի սեփականատեր պարտապաններն միշտ դեմ են գնային առաջարկի հաճախակի իջեցումներին քանի որ գույքի էժան իրացվելու դեպքում իրենց պարտավորությունները քիչ են մարվում և եթե երրորդ անձինք են իրենց քիչ գումար է հատկացվում, իսկ այս դեպքում հենց պարտապանն է բողոքում և ցանկանում որ իրեն համասեփականության իրավունքով պատկանող գույքի գինը իջնի, այսինքն ակնհայտ է պարտապանի նպատակները և բողոքի դրդապատճառները, որոնք հանգում են պարտապանի պարտավորությունների կատարումից խուսափելու փորձին և պարտավորությունների մարմանն ուղղված կառավարչի գործողությունների հակադրմանը:

Հաշվի առնելով «Հրապարակային սակարկությունների մասին» ՀՀ օրենքի 15-րդ հոդվածի 3-րդ մասը մեկնարկային գինը «... կարող է փոփոխվել», իսկ օրենքի այդ կետի կիրարկումը կատարվում է աճուրդավարի կողմից, տվյալ դեպքում սնանկության գործով կառավարչի կողմից, այսինքն կառավարիչը մեկնարկային գինը գործից բխող հանգամանքների վերլուծությունից ելնելով կարող էր և իրավունք ունենալ մեկնակային գինը չփոփոխել, որը և կատարվել է պարտատերերի շահերի պաշպանության մղումներից ելնելով:

Հանձնաժողովի անդամը հայտնեց, որ իր կարծիքով կառավարչի գործողությունները բխել են օրենքից և իրենց մեջ կարգապահական խախտումներ չեն պարունակում և առաջարկեց կարգապահական վարույթը կարճել կառավարչի մեղքի բացակայության պատճառաբանությամբ:

Հանձնաժողովի նախագահ՝ Տ.Հարությունյանը նշեց, որ ուսումնասիրելով դիմումը և ներկայացված փաստաթղթերը ակնհայտ է, որ պարտապան հանդիսացող դիմումատուն ձգտում է ամեն կերպ խուսափել իր հանդեպ ներկայացված պահանջներին բավարարում տալուց: Այդ նպատակին հասնելու համար, իր կարծիքով խանգարող կամ վատ /արագ ու իր բոլոր ցանկությունները/ չկատարող, կառավարչի գործողություններին վերբերվում է վերապահումով և գնահատում է իր տեսակետից և իր շահերից:

Բայց կառավարչի գործողությունները մեկնարկային գնի փոփոխությունների վերաբերյալ պետք է լինեն թափանցիկ և վարույթի մասնակիցների համար ընկալելի ու հասանելի, այսինքն չկայացած աճուրդից հետո հաջորդ կրկնաճուրդի մեկնարկային գնի փոփոխված մեկնարկային գնի նշանակման մեխանիզմի վերաբերյալ աճուրդավարը ցանկալի կլինեք որպեսզի ունենար հաստատված աճուրդի անցկացման կանոնակարգ, որը օրենքի պահանջ է և որտեղ էլ կարող էր արտացոլվել այդ մեխանիզմը: Հանձնաժողովի նախագահն նշեց որ մման իրավիճակներից խուսափելու և միօրինակ աշխատառճի ձևավորման նպատակով դեռ 06.08.2018թ-ին «ՄԳԿԿ» ԻԿԿ-ի կողմից մշակվել և ՄԳ կառավարիչներին է ուղարկվել Կանոնակարգի օրինակելի ձև, որը ունեն խորհրդատվական ուժ, բայց դրան հետևելու դեպքում ՄԳ կառավարիչը կապահովվեր «Մնանկության գործով կառավարչի Վարքագծի կանոնագրի» 3.4. կետով սահմանված «...իր կողմից իրականացված գործարքների հրապարակայնությունն ու մատչելիությունը »

Այս պարագայում սնանկության գործով կառավարիչ՝ Հ.Մարտիկյանը իր կարծիքով իր գործառնությունները կատարել է բարեխճորեն և «Մնանկության մասին» ՀՀ օրենքի 76-րդ հոդվածով նախատեսված ընթացակարգերը և միջոցներ է ձեռք առել օրենքի 76-րդ հոդվածով նախատեսված իր լիազորությունների, այն հրապարակային սակարկությունների իրացմամբ կազմակերպման համար, քանի որ գույքի իրացումը պայմանավորված է եղել գրավի պայմանագրով և ապահովված պահանջատիրոջ պահանջի բավարարում տալու պարտականությունով և օրենքի պահանջով:

Հանձնաժողովի անդամները քննարկեցին դիմումում նշված հանգամանքները ուսումնասիրեցին ներկայացված փաստաթղթերը և առարկությունները, տվեցին և ստացան համապատասխան հարցեր և արդյունքում քվերկեցին:

ՔՎԵԱՐԿՈՒԹՅՈՒՆ՝

Կողմ - 4

Դեմ - 0

Ձեռնպահ - 0

ԵԶՐԱԿԱՅՈՒԹՅՈՒՆ՝

1.23.09.2019թ-ին քաղաքացի Մարտին Սեյրանյանից «ՄԳԿԿ» ԻԿԿ-ում ստացված դիմում-բողոքի հետագա ընթացքը ապահովելու նպատակով, քաղաքացիներ Մարտին Սեյրանյանի և Շուշանիկ Եղիազարյանի սնանկության գործով կառավարիչ՝ Հենրիկ Մարտիկյանի գործողությունները /անգործություն/ օրենքին և կանոնակարգերին համապատասխանության վերաբերյալ հարուցված վարույթի արդյունքներով՝ սնանկության գործով կառավարչի վարքագծի վերաբերյալ հարուցված կարգապահական վարույթը կարող է կարճվել «Սնանկության գործով կառավարիչների մասնագիտական վարքագծի էթիկայի» կանոնների խախտման դեպքի /մեղքի/ բացակայության պատճառաբանությամբ:

2.Սույն Եզրակացությունը սահմանված ժամկետում ներկայացնել Դիտորդ Խորհրդին՝ հետագա որոշում կայացնելու նկատառումով:

Հանձնաժողովի Նախագահ՝ Տ.Հարությունյան

Հանձնաժողովի անդամ՝ Ա.Աղամյան

Հանձնաժողովի անդամ՝ Ռ.Խալաթյան

Հանձնաժողովի անդամ՝ Հ.Գևորգյան